## 庫全書

子部

欽定四庫全

格村語绿卷十九

詳校官中書臣閃思毅

編修臣倉聖脈覆勘 總校官進士臣終

校對官中書臣孫 於緑 監生 臣張永浙 球琪 久足四年之 の見るというない。 CHIEF CHIEF 格付語錄 也康節于此見得最透程 此書儒至粗道理佛家却 一横渠雖幾其力索强探 有轉眼便屬他人此身 大學士李光地撰

光坡問存吾順事沒吾寧也只說寧字到底是何歸宿 于人之立命邪果見得横渠與康節不同大抵此心 否泰自然之理數非人力所得與便超然自了何頼 然謂自孟子後都無他見識其所言為往聖繼絕學 若說不消散像個不安寧的若是消散又似與常人 雖要撒脱放下又要振作扶起方是聖賢之學 為萬世開太平都是實話非屬誇大若只晚得剝後 無別日但以人生行事驗之這事做得不愜心翻來

炎定四車全書 人 就滅亡矣 穀肉之精液補益血氣精生氣氣生神何當不存若 件為我所有却飲食不納氣血日損形神枯瘠而日 却是長存的如喫飯 日又好做别事聖賢生順死安便是如此雖似消化 覆去只在心頭睡著亦不安帖若做得妥便放開明 無所有又好实那 顆米存在肚裏飲一口水亦存在肚裏像件 榕村語錄 般無病時飲食都消化腹中 **頻前此所喫者俱已無存然** 

佛家何嘗不有所見他見萬物皆有人性故云皆有佛 通書可繼中庸正蒙可繼孟子只是正蒙畧高些便差 否曰是 惟存之久則神明充足自有威光問存神即是存心 提雖然出得容易些後來竟長不成以此見助長不 其曰神不可致思存馬可也化不可助長順馬可也 得只有順其氣候而已人沒神彩是著意强不來的 極精朱子嘗見羣難出卵就中有一 艱難者提他

文足四事全書 ~ 于不知護他鷄豕的子惟人知道終身慕父母又知 前來關曾不怕人何當無父子之親其子自為一 通之君臣即難彘初生子如有人傷其子其母便向 多矣蜂蟻之君臣不能通之父子虎狼之父子不能 同此性如何殺害他不殺生何嘗不是只是非天下 性豈獨禽獸草木皆有豈獨草木土石皆有既與人 何嘗無兄弟之好如何漸大漸不認得又馥自己的 之達道便行不去但為之節制無故不殺所全活已 榕村語錄

獸何異所以孟子説人所以異於禽獸者幾希經書 得好太極是 後果然太極西銘兩篇極好西銘是一部孝經縮本縮 妻子則慕妻子仕則慕君把父母漸漸忘了便與禽 所以異于禽獸若少則慕父母知好色則慕少父有 推之他人老吾老以及人之老幼吾幼以及人之幼 仁來知乾坤一大父母則天下一家生意流通矣所 |説全了為人的道理西銘是從孝上指點出一箇 部易經縮本亦縮得好孝經是就孝

τ

卷十九

大元の事人を持 有稱神化二字張于言以仁義朱子言以中和可謂實 李方言不愧屋漏為無忝存心養性為匪懈兩句似是 為然清植 乾淨至乾乾不息於誠却大有事在先生聞之大以 邪存其誠雖開邪正所以存誠然問邪止是打叠教 曰無忝是薀滌其邪穢匪懈是充長其天良易曰問 以孟子説擴充説善推其所為即人異于禽獸處 意諸友方在疑難反覆間適實至因質之實實 榕村語錄

あられいた ハー 故神兩故化如呼吸語黑皆是兩箇呼來則吸化吸 謂神 根兩即化也然呼吸總是 體日然以爱子言之只此爱心 來則呼化語來則嘿化嘿來則語化其實化即生之 此爱也均之一爱所謂兩化而推行于一者光坡 或教誨之則 却有界限人多将心性混説以性為心将性説成知 神非太極太極理也非神也雖神亦由於理然 神而兩在也然飲食此爱也教誨亦 一氣語嘿總是一心此之 神也而或飲食之

次定四車全書 所過者化如言出乎身加乎民行發乎邇見乎遠所存 者神却是意之所動人便覺寤心之所注人便感應 不測何故不測亦由于神 際形是至粗的運於中者氣也氣之精者神也神亦 覺以心為性將心說向虛寂大抵理神氣形原有分 是理問一故神神是不測之謂似非實字曰是實字 由於理如心之不息亦理之不息畢竟說不得心即 妙萬物而為言靜而無靜動而無動神也即說神妙 棺村語錄

多りて 過冷氣消了暑便成如吃飯然若光喫的積在肚裏 張子又不如此解以合一不則為神推行有漸為化 了就没有却有在那裏其精英具存也陰陽寒暑相 過者化不見而章不動而變無為而成是所存者神 化是過去的便要消化如暑過熟氣消了寒便成寒 見而民莫不敬言而民莫不信行而民莫不說是所 反而實相成萬物若不經歷過必不能成就如是者 斷不能再喫消了前面的方好喫後面的又不是消 卷十九

文定四車全書 ! 至尊云這道理極深微恐未必是如此朕意將此體字 翻書人翻性理精義至天體物不遺循仁體事無不在 **照常解言有** 作體恤體貼的意思說如何地初聞之未能即領倉 不可遺一 再對下文 何也原是一箇不是兩箇故曰兩在不測又曰推 行 所以知變化之道者其知神之所為乎 一般 | 想確是如此若照常說下引詩就該引 物便有一天在裏面作主如體物而 格村語鋒

金グロスニー 必不是如此說你說不見不聞他却體察萬物而不 兹 引詩亦是言相在爾室尚不愧于屋漏無曰不顯莫 昊天曰旦及爾游行竟是說無曰高高在上日監在 予云親乃曰神之格思不可度思矧可射思 可遺使天下之人齊明盛服如在上如在左右下所 **怒無敢戲豫敬天之渝無敢馳驅且體物不遺亦未** 天生蒸民有物有則如何却引昊天曰明及爾出王 一般天刻刻在人身上檢點大雅原是說敬天之

**飲定四車全書** 明道謂堯夫之數只是加 部易似從太元悟出故甚重其書如元首八十一策三 東銘洗發君子不重則不威意極是要緊戲言豈徒傷 青自記 事洵所謂一言以敬之者又搜根及太元是能捉百 原底真鱵蓋先天生卦造圖法全用元却是出藍之 德且多賈禍张子 十六邻于便説卦八八而蓍七七自記 格村語錄 一倍法以此知太元都不濟

問經世何故分四件日原是四件易經開口說元亨利 邵子把天地間物事都配合作四件却是仁義禮智喜 朱子尊崇郤子只是重先天圖此圖自是有傳授至他 怒哀樂近裏著已之處畧而不講所以某于中庸餘 擊壤集于未子者答曰比他皇極經世好些可見程 所說易却是教外別傳故明道說他學全不識有問 論中補之此却是天人相關至切至要處 朱皆不甚尚其所學大抵孔孟不講的便可不學

又己の巨上馬! **邵康節有水園亭活無風草木閒二句極好人心存在** 隱几工夫大揮戈事業早似儒家大言却是實事如漢 這裏如有源頭活水無處不靈動自己心裏不作風 祖唐宗熊虎百萬開數百年基業就一時論視儒生 炭到胸中也 波自然所遇皆安静所謂不作風波于世上自無冰 **耳若再搜根歸到仁義禮智上便更好** 負只是聖人所言皆精髓部子所言却是羽毛鱗甲 格村語錄

康節之數不如程子之理精張禺問曰理數一也豈有 宴事賓客笙歌樂舞自其親賓僕婢觀之華盛無比 學究何啻天淵然周邵張程朱子雖寂寞一室 自存却在那裏書聲朗朗若奏金石便生羡慕隔了 自隔墙人闻之了不在意假如有一書生貧苦不能 能與比否大抵當前之與後世似隔壁一般如鄰家 研摩却道通天地思入風雲由今看來漢唐事業可 壁身在局外便各自一好尚 編

多月也四月一

德外而王道天地位萬物育何等功用何等精義便 别如一 子便不須此只是講理所謂理者只是吾身喜怒哀 心不可說是一般康節將五行參錯配搭大而天地 離理之數無數之理乎曰固是但内外精粗畢竟有 以何為不過要見得透得以安靜快活不犯手耳程 樂與天地通其性仁義禮智其道君臣父子內而天 細而昆蟲草木形形色色無不融貫聯合要之将 果子皮果也肉果也心亦果也畢竟皮肉與

|改定四車全書

格村語錄

具張温為權所殺武侯初聞未知其故思之數日曰我 金グロオノニ 濁善惡胸中豈可不分明但外面不要見出來文中 得之矣其人清濁太明善惡太分此極有學問語清 别有奇怪也 他看得世間物事零碎處俱絲絲有條理心又虚明 覺數為皮殼無所用之問邻子前知另有學問否曰 靜細算數又精熟再以所值時勢參斷自然不差非 于曰心跡之判久矣此語未必不是邵子特贊為造

程子不肯窮究的子易學朱子謂孔子便不如此極是 若愚旨是程朱譏之者以説在答憂疑之後竟似悲 霎時風雨不得不然耳心中實不相關 竟是胸中快樂一毫不掛看當時政事之得失賢否 之進退一 化之言如内健而外順内文明而外柔順盛德容貌 天憫人都是外面桩幌耳問邵子取之何意曰邵子 一點浮雲過太虚其遇禍患而不怕者如避

久足四車全書

松村語録

邵于謂程于若學須二十年工夫此語亦不是朱子

邻子惟推留侯梁公想他出世亦近此等作用至武侯 邵子學問有弊其立言太誇程子雖亦有自負語然却 邵子不能文觀物外篇乃陳瑩中所記 得不謂之至神至聖者乎此語尚虚或者不是說自 有著落如言絕學不傳却還他有箇絕時邵子則曰 道這是何説 教人當下便予人 匕至谓生于冀方長于豫方自號太極天地尚不足 條路不如此嚇 **以定四軍全書** 古人成功後人便以事傳會之劉伯溫何當知明太祖 智並盡若智處太多於道理上太占便宜便微與、聖 起己為之佐果知之何苦為元用作兩截人此等即 **廣成子後世陳希夷單皆另有緣故乃是聖賢中** 聖人亦不知只是聖人見理精熟幾未動必不輕應 從不提起及伯溫作論排之始加呵斥大抵聖人 人看來若前知耳惟康節說不得他不前知如上 八隔看來聖人却不妨畧帶得些呆意 格村語録

别出 依舊靈明心未當不欲 言顛倒手足狂亂并心之靈明亦失之然病去而心 君有疾豈君心所欲乎既有此形體即有陰陽五行 問既是上帝作主何故有時使世亂而不治曰試問 理之後又以氣機象數推其端倪耳大抵人世所為 之錯雜只是當有病時心之靈明尚在或病甚時語 無非上帝作主故其機動而事未形者天已有象也 一小支二程不如邻子正是此處然亦只因見 刻病去調養而保復之也

**嘗疑元會運世之説如謂自開闢至免時已到已已歷** スミリラ Ling 格村語録 腔子裹人與天地一箇樣善言天者必有驗于人 所如人之靈明過體皆是拔一毛即知痛到底心在 有庭即有左右天之靈明何處不在然必有栖聚之 或口當彼時人都糊糊塗塗殊大可厭先生曰是何 過數萬年此數萬年中人皆昏昧無知識恐未必然 如文王陟降在帝左右武王乃命于帝庭既有帝即 言欺譬如赤子四五歲以前雖無識解却天機渾

多分四母百重 浩浩落落無有壞處視長成後奸偽萌生豈不較勝 前事自六七歲後便能記憶今堯舜時事已自班班 即以人驗天地人長成後所不記憶者僅四五歲以 説亦大不經想來小刼數不過是水旱疾疫盜賊鋒 有數萬年不明白邪就是十二萬餘年一 年不明白豈天地自開闢至混沌十二萬餘年中遂 起繼以明主數十年休養便可復舊或者經歷萬子 可考想彼時去開闢不為甚遠人生百歲中止四五 番混沌之

久足四事全書 人格村語録 湯之間有禹湯文之間有武丁文王至孔子中有宣 五百年至貞觀又五百年而生朱子亦未大差至克 至文文至孔子俱五百年自孔子五百年至光武又 捉不定看來倒準部子論數却未必準由竟至湯湯 月山川盡數更換一番也孔孟程朱只說理雖似把 生延綿漸廣亦未可定未必到彼時便天翻地覆日 率上為墟只零星存得一二於山崖窟穴中牝牡相 年後遭值大劫內荒兵火重叠竝至竟致人凋物盡

人只要實見得到某却見得康節說性理處比程米隔 金グセカノニ 朝又五百年大抵天道三年一小變五年一大變故易 沌亦不能無口便有知到幾時是如此其一代不如 曰三五以變看來大概是如此 有藝祖自朱子後有洪武至我 王而光武前亦有髙祖貞觀前亦有孔明未子前亦 代者如一年有春夏秋冬一 層其說元會運世恐未確問以畫夜觀之或者混 卷十九 般到得這一年完又

**以定四車全書** 明道生平無著作耑在日用言行間著力時時處處還 康節說元會運世往而不復某却不信孔子云文王既 他菌道理以單讀書為玩物喪志孔子却刪定贊脩 没文不在兹乎自孔子來其統歸之于下五代之後 孔孟之學浙滅盡矣宋興風氣忽然淳厚生出許多 從春來亦不可知總是聖人存而不論的就不消論 之殆有所待而行也似上 大儒来此豈人力所為天恐此道遂徴生數公以發 松村語錄

皆賴之以明其居官凡大小事毫不厭煩都有區處 雖幾句文東亦覺得理足周程張卻不得他恐不能 講究甚悉至字法亦有幾年工夫而孔孟周程之書 即做古文官爵地名必書見在詩用故事於古名號 學于謙開善後乃歸依延平生平事事不見他放過 如此烜赫 士已将幸裔所托三人之 學盡傳将去不厭其欲又 事事不放過後來朱子恰是孔子家法十八歲成進 朱子生於尤溪故小字沈郎其字從水從尤讀如由因 常裔本托孤于劉屏山劉草堂胡籍漢三人其後草堂 山朱子於楊羅皆有微辭獨延平無間然 平意可見已延平受學於羅仲素仲素受學於楊龜 壺乃往事之滄洲精舍祀七人 周程張邵司馬及延 源却單認李延平延平亦常齊交好想因相去遠故 以女妻朱于屛山養朱子以至登第後來朱子溯淵 **未及相托朱子年長記得常裔當稱延平如秋月冰** 

次定四事公事

棺村語錄

問學儒多叛而之佛木聞有僧悔而歸儒者曰朱子蚤 非奪佛而入儒者乎若失此一豪傑如何了得延平 見得那邊疎漏又久之大見其破敗遂改師延平此 售學擱起虚心請教延平只引他向低處去久之漸 製其記清植 年學仙又師謙開善及見延平疑為非常人始暫將 **沈字不多見後人遂誤作沈某人所編朱子年譜亦 奪統之功甚大朱子因是曾從那邊透過所以身外** A. 1.7.1

程子説書都是將書返之身心做起工夫及實有所得 妙 即拈出於書之精藴一絲不差而于本文字義却多 即將心得處說書所以道理泡透了融洽會通觸著 心折朱子既從心地上立定根基又歸于正學所以 不管後賴生一朱子闡發著實不然遇不善讀者便 >物俱不足以動之韓文公便是少此故見大顚便

**火足四事全事** 

榕村語錄

可流為禪學有六經注我之意矣孔子教門却不爾

榕村講授内将揚雄文中子部子語編在一處他們都 周子從來不關佛老所以人將其太極圖斥為道家之 金グロム 統 流至朱子 處却字字依文順義不少走作纔無弊 賢脚底下盤捉惟朱子只在孔孟脚底下盤旋是孔 有要爬在人頭上的意思陸子靜便不肯在先聖先 朱于正是孔于傳派其於經書躬行心得矣而解説 一切門外議論都不管就書論書力歸正

火足四年全書 深長顏子仰之彌高數句又是從自己用功說夫子 兹是實信得及學者如何學這樣話門人傳朱子前 不同江漢以濯之秋陽以暴之ذ偏乎不可尚意味 **堯舜子貢有若言自生民以來未有夫子看曽子便** 地長久倘又生箇孔子亦定不得宰我說夫子賢於 面都不虚只末語後有作者弗可及已便是聞話天 下學而上達孔子只到患難方說文王既沒文不在 于家法孔子便只在克舜文周脚底下盤旋所以云 松村語錄

世有自厲風標清風高節至不可攀而無流風餘韻在 導人其流風餘思至今未义有言某人及門無人材 家居十餘年總只閉門一 善誘此等處都好體會 端坐從之者便有弊楊謝都近禪游定夫竟為僧朱 者先生曰想是不肯講就是二程夫子萬簡方嚴多 子便日日與門人講説成就了許多人後來教人都 間者無此段關切世道意思故也敝鄉李文節公 一人不接見蔡虚齊便肯教

朱子平生篤信好學守死善道有道則見無道則隱國 事必師古方好若謂自我作祖前無古後無今呵佛罵 根有蒂摇他不動近人事事苟且其根都在不信古 祖不掛一義直是無忌憚孔子教門定從古人考來 心心相印有憑有據不爾寧闕也朱子亦然所以有 正道無一箇差路的 不考古耳

次定四車全書 ~

俗村語錄

有道不變塞馬國無道至死不變又留心天下事大

朱子看得明白總不肯出仕不得已應命便辦得生往 朱子居鄉待人以誠接引後學勤勤懇懇無社倉以濟 求退浩然之氣塞乎天地亦是宋朝規制風氣尚可 被禍身後亦安全則言忠信行篤散之效 以進退自由然今之傅山李顒終身不出亦未嘗不 死歸所以當官一毫不肯假借直來直往行不去便 綱細目無不講究明白斟酌妥當 人困建陽風俗皆為之厚後來雖為作胄所疾卒未

朱子經濟之才甚大二十來歲主同安簿尚是佐貳便 聽許他

事事講求即祀典無不考訂詳明聞一常人議論有 數至丞不為動及條理分明乃集同事議之彼此論 田令因心未晚了且不舉行閉户讀之累日督促者 可取者即筆記之有鄰色丞自言當年奉秦太師量

駁之間事益有緒於是僚屬皆明又集吏役者民使

次定四車全書 | ·

格村語錄

縱講之為之剖析至吏民皆洞曉然後舉行丞不出

聖賢有似不近人情處朱子斷妓女施以嚴刑判使從 有委任之者功業當在諸葛忠武之上 而行之所謂聞一善言若決江河自蚤年便任天下 有先於丞者朱子遂記其事及後自遇此等事即依 署不踰時而功成當舉行時他屬有將報埃者及丞 之重如此其論事酌古準令無不可見之行使當時 畢役而他屬尚推献較正于詔令之合否奏績迄無 良其實罪不關妓女也人至今以為口實朱子彼時

朱子太極圖注即以正義為靜而主之世多以此為疑 とこりらしき 年不安此說乃將動静劃分如與人言是有所聞中 言之善下平列動靜而上有不可以靜言之靜至晚 兩節初年以靜貫動言雖紛擾於外而中有不動者 存又遇物皆成三角下平列善惡而上有不可以善 不知朱子晚年将聖賢書義字字落實如戒慎恐懼 面而殺妲己何妨同道 寧過于嚴孔子將景公梨園子弟付之極刑太公蒙 俗村語錄

多けでんん 嗜好一時都提不起故朱子狀敬惟畏近之可知戒 當皆言中節之本也推之於行亦是如此喜怒哀樂 然一日之中未發之時有幾問中間停息時還須全 雖皆有未發最是憂懼哀戚時覺得萬念灰冷平生 聲即是未發如心氣不激不躁將所言之事善盡簡 無念處方是未發抑打點說話亦是未發曰但未出 有所睹其不與人對即不睹即是未發即是大本不 間停息時即不聞即是未發即是大本與人相對是

次定四車全書 ~ 讀書須返到身上見得果然如此方好朱子圖解五行 義却有分別道理不出此二者禮者仁之發智者義 th 懼是歸根復命之學而主静即屬正義一邊為密切 明白返之吾心則了然矣五行雖各成一件物事實 仁義仁是慈爱似乎不分善惡一總都愛無義便愚 在只陰陽二者如人之性有仁義禮智信其實只有 陰陽五殊二實無餘久也若在物上說急忙不得 格村語錄

即無亦不可謂之全無其昭昭靈靈能為光景者猶 他即義之分别處斂而入内者信即理之實也且如 是上天之載 無聲 臭之可言 極本無極上天之載無聲臭也質固有形氣亦有形 彼此也粗中有精末之起根處便是本有何彼此太 所深二者已盡無復餘欠陰陽一太極精粗本末無 喜怒哀樂實亦喜怒二者而已樂者喜所成哀者怒 之藏三干三百是人心中相親相爱發出來的智非 一八三日 阿 太極圖解美矣善矣尚何敢議畧有疑者君子脩之吉 深切朱子以仁義詮釋乃是從靜悟中來朱子見得 但細思主静乃成功非用功也用功却在無欲二 終也不足以父乾母坤者沒必不寧意極懇到理極 至注原始反終處疑非周子本意周子引此或以開 來惟聖人始可言主靜故提敬字使學者有可把捉 似當兼直內方外說朱子只提敬字想是對上主靜 篇西銘之理乾父坤母物之始也存順沒寧物之 格村語錄

恐未必然其意欲照孟子盡心章分之知化節知天 意但此等處殊不可輕議至西銘解以知化節為樂 塞天地間皆是仁仁則盎然萬物皆生遇事截然處 天事不愧屋漏節為畏天事惡旨酒以下遂都散去 便是義義則止而不動其說至精雖未必是周子本 事兩字是從天地之塞天地之帥分頂下來一為形 天所以踐形盡性莫明切於此故張子用為節次志 也不愧屋漏節事天也下數節立命也天生人人承

都近四月全書

えっしりを かかり 雨 的誰是該當為志篤的大抵天有正命因有與心天 富貴福澤却又予人以貧賤憂戚誰是該當為善輕 錯會將字庸字及注中所以字便以富贵福澤是天 漏是事仔心養性是志至富貴福澤四句不善讀者 意予我以使吾之為志也篤果爾天何不盡予人以 故意予我以使吾之為善也輕貧賤憂戚亦是天故 将自己至精至妙處盡數付畀與人無一些留餘這 為性形應乎物故有事性統於心故曰志不愧屋 俗村語錄

陽五行以成形既有陰陽五行他便混亂拉雜攙和 憂戚天之所矜也却不是因你窮相就不望你成就 富貴福澤天之所喜也却不是喜你得以恒舞酣歌 是正命刻刻望人成就一箇人全受全歸完他生這 窮侈極欲將厚吾之生而使之為善也輕你既貧賤 以致貧富苦樂萬有不齊天亦無可奈何只是你既 乃望你安貧樂道動心忍性刻厲獨立如利刃淬鋒 人的本意适是真心但天以正命予人不能不假陰

多好四月至書

朱子處已處人何嘗有一語藏匿人稱其詩易諸注曰 與父母一 鷄肋已勾了都在大處見得到 吾之得力畧在四書至詩易所得如鷄肋然但即此 母父母豈有要兒子貧賤憂戚者如此看天地真箇 賤憂戚四字須讀斷不可將下句連讀便似天故意 以此予人也問若是天故意以此予人天便不似父 愈磨愈光庸玉成於汝而使為志也篤富貴福澤 般曰然 格村語舞

とてりをという

纂書比自者為難著書任著已意隨力量所至篆書便 多好日居台灣 律思事朱子自謂不知與蔡季通書言之不一而足瓊 要知前人的意思又身分須與他相埒方可著手真 想是禹臯亦未必精于樂何害其為禹皐朱子即不 山定謂朱子若不知樂則十二萬九千六百年無後 西山讀書記門目便極繁亂就是近思錄亦未停當 知樂不足以為病也 知樂者矣這却不必唐虞命官典樂特推出后發來

論封建自班孟堅後曹冏陸機柳宗元單各有佳處某 行則久於其道民與相習不至朝更夕改又以其國 歸者栗附於後極好後乃變例自分門類竟作自己 中所有便不妥 心畢竟歉然為其只說到利害終非聖人心事封建 至儀禮經傳通解初欲以儀禮為經禮記作傳無所 乙書欲盡將胸中所有吐出大凡編書欲自道其胸

次定四車全書 一

格村語錄

付之是自己物事便與之一

一體孟堅諸人俱無有從

一十五

君臣大夫於家宰亦為君臣乃見得君臣為五倫之 第二層其曰封建者聖人大公無我達君臣之義於 舜當身便以與人何當要久倒似至今還是堯舜的 論總是欲使天下長久為吾家物聖人却無此意堯 天下者也妙極天子於諸侯為君臣諸侯於大夫為 民人大公處著議論者及讀朱子之論則某意仍是 不然凡人所得有者只是四倫而已漢唐以來諸

韓昌黎從來稱揚雄而不及董江都説詩稱建安七子 武侯排機者頗多程朱出而武侯郭汾陽陶靖節單 始定其心公平其論精正如令人都説宋儒刻薄幾 於古無完人都是未曽細讀朱子書如馮道温公以 洗雪與日月爭光即狄梁公為武氏宰相終身五王 而不及陶靖節至東坡始推獎靖節而朱子大表章 為仁先管仲揚雄則更蟬赫此等人寬之何補諸葛 之至與張留侯並者數千年人物須得朱子出而論

久足四車全書 人

格村語錄

宋初有一等猖狂議論如李泰伯之毀孟子東坡之訾 朱子每事議論都當行 食ンド 皆身後之事朱子猶予以復唐之功何等寬厚世論 武王就是周程議論亦似有過高處張子尤高部子 推史漢韓柳之類 悠悠不足與語 者一裁之以平實又氣象生得好 竟落數學朱子出將過當者 一點不錯如詩表章陶靖節文 **縣駁落其高明精微** 

次定四車全書 人 朱子語類所標門目多不確論為學只當分四項一 向來 只見得朱子好處在零星處却不知其大處之妙 者竟有大相背診者 係理又所記皆出門人手問有錯聽者有指詞不確 立志一曰居敬 如今見得他大處之妙轉見得他小處有錯可見知 此四項不可偏廢有合論處則歸之總論底幾稍有 其小處便不能窺其大知道大處便小處都識得 曰窮理一曰力行儒先顯然說有 格村語錄 ナセ 日

朱子解書雖有訛錯處不碍為表裏光明朱子幾於孟 之銳問語類有不穩字可改否曰説是如此說如何敢 是箇呆板物事又可聯屬無極且與誠字相應況前 各 改某平常説太極者本然之妙也動靜者所乘之機 説性字何害 已有誠者聖人之本物之終始而命之道也此處不 也妙字似不如性字為穩細思終是妙字好下面有 一其性如何此處光道出性字妙字見得太極不

久色四年全島 明道廿二歳作定性書伊川十八歳作好學論已到至 障翳 踰矩逐旋精進朱子少時遍參佛老廿餘歲始見延 六歲又復自云不徹可見其疑而悟悟後發疑黑 平三十外已為人師尚無卓見至四十外始通達五 處真天授也孔子朱子又不如此孔子自志學至不 子但偶有滞處孟子則渾脫瀏剤如琉璃屏無綠毫 外始議論不錯六十歲自嘆所學始透至六十五 格村語錄

年グロ 窮鄉僻壤有一邪説不知何以數年後便行之天下信 是妖言此若有憑之者然亦可見一 陣復明一陣明一陣又黑 葉開花若是果有一立德立言經德不回之人出必 限量所至無涯 不曰天定之為聖而曰天縱之將聖縱字妙言不為 不息與天無極欲立教于萬世者必須如此故子貢 克有發露之日某近來頗不信元會運世之說見得 一陣乃是日進無疆自强 種下地必竟出

解經在道理上明白融會漢儒自不及朱子至制度名 雖不可得但如朱子那樣人得志行道足矣必有這 空行其說便算了事夫子當日下種意不如此夫子 物到底漢去三代未遠泰所澌滅不盡尚有當時見 孔子下一 諸儒 日 **朱**以 子上 大種至今尚不曾用難道生周程張米等

改定四車全書 一

格村語錄

行的即已不存者循可因所存者推想而筆之單

董子不獨深于春秋亦深于易其云道之大原出于天 董子應五百年而生班孟堅度其時而為言於史遷董 董江都劉子政學皆醇其徵疵處是好言災異必推某 終不能定以今觀之則江都是 事以實之便有難通處 還有些實事不似後來禮壞樂崩全無形似學者各 以其意杜撰都是空言此漢儒所以可貴 于劉向揚雄諸人皆所指擬看來似尤屬意于劉而

次定四車全書 一 董子說得好到得天行肅殺已是無物可殺試看雪霜 父母亦不安矣然無事時此 所以明道先生獨坐時如泥塑人至接物全是 整齊却是在無事之時到得與人相接却不可如此 和氣蓋天德是如此孔子所謂嚴威假恪以事父母 嚴寒時萬物成實皆已收藏過了只是一片白地全 無所有一交春百物發生天便全是和氣如人肅然 非深于易安能説得到此 格村語錄 段肅然整齊又不可 團

續書不可少許多三代遺制在其中若法言世間便無 春秋繁露自是贋作江都所著尚多今不傳耳然三策 從看起 此書亦不為缺欠至康成註却不可少無此三禮無 已足何必多其論性命云天地之性人為貴論天道 云陽居大夏而陰積于空虚不用之處皆極精之語 二春之發生也 /所謂敬而後和肅而後雖有三冬之閉固而後有 久との中心島 ! 王輔嗣注易時計年方二十許後來即以伊川大儒眼 鄭康成學問博其說亦多自造當時孔北海甚服之然 **嘗竊論其人終是文章學問聰明極頂未嘗思透義** 言理之竅開自輔嗣其功甚大韓文公雖云非三代 其厚如此輔嗣之前視易或作歷日看或作識緝看 髙千古自非大悖繆者即不敢駁之聖賢不忘本始 兩漢之書不敢觀然未見其于經有所發明也故某 已謂其多穿鑿矣 俗村語鋒

漢唐以來有議論不決者當以董韓為斷韓子不獨學 無一不當而於諸經究不能有成書 索求故其評經如奇而法正而葩謹嚴浮夸等語雖 來又原自正直故關佛老立節概不是單在道理上 其文法因天資高遂見到古人作文意思義理上生 言之務去是所用心皆在立意造語所讀書皆是觀 似周公之繼日待旦孔子之不食不寝而終歸于陳 理雖自言處若忘行若遺儼乎其若思茫乎其若迷

金グロ人と

派正是如此四岳之稱舜也父碩母囂象傲克諧以 用倫常禮樂文物上說他豈不能作精微之論只消 禹不過是要蓋前人之愆汲汲皇皇做些事功即克 孝益貲之亦惟曰號泣于旻夭于父母襲襲齊慄禹 問文章好其人亦不說欺人語生平闢佛老只在日 不具于人不遇如匹夫匹婦哭泣依戀于父母之前 如此説而精徽之論已盡在其中詩書所言道)理宗 之自叙但曰改呱呱而泣予弗于惟荒度土功舜了

一飲定四庫全書 人

格村語錄

韓文公二十來歲數傳道多一揚雄三十歲作送文暢 尚書書乃是晚年之作耑提出孟子以為功不在禹 斬釘截鐵云軻之死不得其傳卓有定見矣至與孟 序叉少一 地格鬼神至誠大聖已立人極老佛談元説妙都是 下而自己幾幸續在後荀揚半字不提起學識精進 之大至于則天而堯典所載只尋常事而其實原天 用不著的何當是道 一孟子都是識見未定到四十歲作原道便

· 
東定四車全書 一 唐時佛教盛行不得韓公大聲疾呼再過些年竟埒正 問到晚年纔知得孔子便接免舜禹湯文王之傳而 已乃孔子之見知也韓文公原道幾句開周程張朱 是國師韓公一無顧忌唾罵無所不至其氣竟壓得 教矣韓公胆氣頗大當時老子是朝廷祖宗和尚又 萬世韓公之從祀再推他不去 N端周程張朱如日中天韓公則東有啟明也干秋 如此孟于亦然其先方自以為當名世之數自疑自 格村語録

柳子厚謂昌黎勝似子雲此是確論陳梓云想於易義 周子通書三十歲便成程子易傳至晚年尚不敢以示 歷數昌黎不及于雲曰子雲歷數承襲漢歷都是錯 者之意不及則漏其本義過則溢于本文文須簡簡 須盡韓文公者述自命終身注論語不成真明白人 他下歐陽公亦闢佛氣便弱韓公闢佛雖不若程朱 人蓋自寫胸中語尚易而發明經傳最難要不失作 之精然是先鋒驅除到程朱便據有城池矣

韓文公説他要做官他並不曽入伾文黨說他不能耐 常存天壤便是了至所貶斥之人其死已久有何誅 笶 極後人呆將這幾箇人窮其本末搜求毫毛不直 铢其人身等語便見其精于春秋春秋之作是孔子 引釋皆深知易者又如春秋謹嚴及春秋書王法不 的昌黎易學雖不知如何但如奇而法及諍臣論所 為萬世人倫起見絕不關那幾箇人只要大經大法

飲定四車全書

格村語錄

人不近小人是大端韓文公生平與當時權要姦邪臭 過儀禮如何便議大禮後來張乎敬竟用之而與獻 直至濮議方與司馬溫公異歐陽公既自說不曾讀 味不投絕不沾染歐陽公生平都靠都是韓兒 之是何等見識 古推仰将数百年尊尚之佛教一旦出孤力以麾斥 貧亦不見他受誰不義之財而諫佛骨使庭奏曽無 毫虧折至其文字中所見道理直如日星河岳千

次足四年全書 伊川謂退之却倒學了大要韓子是理義與文章兼營 司馬文正言忠信行篤敬終身無失學者翕然服之只 是聰明廥知少不足耳 客人思議其梁書目錄序非曾用心者安得有此輕 非如歐蘇專以文章為事即曾子固想亦是將此事 叔為之倡但永叔止議尊以帝號未謂便可入主也 孚敬因此将永叔從祀孔廟可笑 乙主直入太廟壓武宗之上此干古未有之事而永 棺村語錄 二十五

重发电压 人工 以虚心與立志竝言北溪所見自是心最要虚方能容 龜山終日坐在門限上或說是門前石上不是門閩大 一蔡見識髙明説得精彩想要打起精神説髙一層出 皆格不入 鍾 旺 鍾旺 受得許多義理不虚則中自壅塞了一 約性情寬緩看他劾王介甫却摘其凫鷺章解可見 來故有程門醉人之詣雖旺 切嘉言善行

The company of the Color 魯齊不曾全見朱子各樣好書却是躬行精到其見理 朱子之後語錄無有過于許魯齊者魯齊說理大有警 朱子後儒者與西山許魯裔氣象最好與醇正許篤實 鍾旺 醒處他語錄不過二三十張近閩中所刻却将幾條 靈壽見其生徒文字荒謬問陸則羣瞪目如隔世 好的删去可笑 已到透處陸稼書不得謂其不壁立萬仞某督學至 榕村語錄

多方で名る言 河南懷慶府出韓文公又出許魯裔山川靈秀非他可 其 門 古人到 薛文清 較之河南未為過也韓子勝子長魯齊可東文中子 比人以龍門出子長又出文中子又出薛文清為盛 毫無流風餘思魯齋做幾年祭酒後來人才便多出 金有些教澤陸在靈壽七年行取入都何至使本治 處憑他地方荒僻人才鮮少必定淘沙揀

くこの巨い事 吾鄉蔡虚齊林次崖陳紫峯先生於四書易經皆有數 文中子是要擬論語故東說 胡雲峯在元時極為有名儒者説書專用巧彼此鈎搭 理 類相從間有相因而附者若自己作書自然要有條 如今人做巧搭時文一般最有可喜處亦有可厭處 書記何故亦不以類成編論孟是門人彙集亦畧以 **十年工夫近來節改者多久便磨滅某嘗欲去其支** 棺村語錄 段西説 段薛文清讀 ニナセ

多好四月百書 宋末有善相者一朝臣引至閣中歷相諸公出云首座 云三人行必有我師馬擇其善者而從之又曰自生 氣如此文集中又載一僧人以三数圖求題虚齊題 生也聞留子孫以遺像求題於蔡虚裔題云狀元兼 極顯末座凸不可言首座乃留夢炎末座則文山先 **蔓存其簡要為一帙書而未暇** 宰相屈身事讐胡遺容猶左衽畫工是董狐前單值 民以來未有孔子也觀此則留題當有之

次 足四事全書 昌黎論一 無用人 於王三原皆有成就識寧王必反便拂衣歸已不是 類都不曾見故到底不明白理氣二字然應廿餘人 書易經而年只五十七又貧不能多得書如朱子語 功都不透想是讀書不專之過只有蔡虚裔專精四 一事便 事透徹此人然有用明朝人學問事 格村語錄 三大

重ジャムハー 卷十九

欽定四

月 全十

書 持新縣卷二十

編修臣倉聖服覆勘詳校官中書臣関思数

腾绿監生 F馬光縣校對官中書 F孫 球線校官進士 F終 琪

**飲定四車 全書** CHARLE TO SERVICE OF Company of the Company 松村語録 謂士鄉俱為士則無

管子云一 白り目 樹人而止 句句都好若再加一 子不解道此想即是他器小處曰然他見處只到得 廣闕耳 自記 秀才所作何友具知其名姓 15 年之計樹穀 外餘者皆偽子書如天禄閣乃明治 句千年之計樹德更完全問管 卷二十 之計樹木百年之計樹

首子文字比揚子還條畅其論事甚精采但說性惡太 見得性善則人我一也便能感化人成就人故曰盡已 首卿如路人别派以此 **漸尊崇荀卿日就消歇至令孟子為吾教宗祖而擯** 性則能盡人物性首柳當日聲勢大于孟子孟子日 見得到也 孟子之上後來一 精語馬不詳至司馬溫公部康節又雅尊揚雄幾在 一被程子黙落而人翕然信之者實

次至四年全島

松村語録

太元中顯然頌莽功德所云漢公分明是安漢公溫公 董江都後韓昌黎前惟法言中論中説三書表表中多 台グで元 揚子仕葬固可罪但法言中殊有可採且當其時遂知 注云公與功同不知下面阿衡字如何解得去豈漢 推尊孟子亦必有見未可以其人而廢其書雖旺 名言 可厭 **大子之功如阿衡耶注書若此等最不可朱子斷無** 1

火七の東大雪 王氏盛時天下皆知其將變梅福么麼遠吏尚知逃避 司馬文正謂揚雄過于孟子曾王又推服之以為箕子 槧 問其土俗風物可見又其人呆見莽謙恭下士即實 以為周公到後來事已決裂便是怕死不復敢與之 揚子雲自謂心通造化獨濡滯不去看來亦非全為 利禄特以京師聞見廣好讀書觀于外夷來朝必細 此病 松村語録

偶看譚子化書極有名理弟說到盡頭處只說得神氣 白ガモル人 忠禪 報而廢之罪亦已不容于誅這都是心病可見其無 雲實亦只說到神氣而止皇極經世儘精妙程子謂 惟孔子説天地便說他的德揚子雲著太元思入 至程朱出而論始定其實揚雄罪過不必到事莽就 是作太元将義文周孔一齊都做了罪已不容于誅 王荆公罪過亦不必到行新法只以春秋為斷爛朝 風

洪範五福首壽俸長中論中有說一係得之于天者 段議論極好子書自法言中說之外如中論中監儘 條得之于王澤者得之王澤是帝王養育出來的此 地只說德 **共洩漏天機尚不離此禦 日聖人言道只說理言天** 

文中子說公旦為周一段甚精周公之風雨綢繆似 有好語

**いたの事会書** 

棺村語録

使子孫相繼天下永遠屬之我家迹近于私不知世

故遷都之議日洛邑之地四達而平使有德易以與 旅存而百姓治有何不好若是子派不賢不如速亡 **厚奢生者所以存我也周公謂宗社安而天下安子** 無德易以衰即如人家子孫果能繼述祖宗之志事 為啓沃輔翼使稱其位則害及于人矣故曰安家者 在一區要人簡別後世便是寧天下者所以安家也 無賢聖既不可行竟舜之事若子孫之世及者又不 所以寧天下也存我者所以厚著生也人心道心本 てしたい 於皇四軍 在等 中說問聖人有憂一段程子譏其心迹之判一句果然 清有何雨晴天下皆憂聖人亦愛天下皆疑聖人亦 太何嘗不咨嘆愛苦祈禱紛紜至其上一層太虚穆 有弊只是曲為彌縫亦自有說如天有陰晴倘或淫 韓子對禹問說得更詳盡 者動心恐性反有向善之機道理原是如此此條比 他富貴何用倒不如使他貧賤困苦既不至害人或 便使科名接踵豈非好事若岡上賊下惟利是視要 格村語録

まりでフィー 文中子謂天統元氣地統元形人統元識邻子宗之不 皆天之視聽人之心即天之心非天 無心惟人有心 知識也連人者天地之心一語都錯會了謂天之心 全在人如天之視聽全在人之視聽其實人之視聽 疑至于樂天知命窮理盡性有何憂疑如此説亦未 善讀者便謂天地只是形氣惟人有知識是天地無 為悖繆也

一次定四軍 全書 陸子靜才本大其為荆門州至境內無賊路不拾遺又明 文中子鼓荡之什門人皆沾襟象山白鹿洞講義利聞 文中子元經是假的中說內有幾條假的 朱子于文中子推許不小荀揚不足比即韓文公尚不 鍾旺 者多揮涕何以能爾想他皆有許大精彩聳動得人 如其懇惻而有條理此是何等地位只是世人将他 與揚雄故斥者為其偕擬夫子也 格村語錄

陸子靜要人把心地打掃潔淨若一肚子熬糟讀書亦 静不是 來惟我與子靜八字著腳做著已工夫子静亦稱朱 子為泰山喬嶽于立社倉法劾唐仲友皆稱之不遺 日而就若不死便大用必有可觀故朱子謂渡江以 論學析道理就使子靜成掀天事業到底朱子是子 餘力使子靜為相必用朱子朱子為相必用子靜若 事造|城估計五十萬人者,他用五千人尅 次記の車 全書 陸子靜只在吾道上說得過些王陽明方可謂之說淫 問陸金谿不喜人說性其意云何曰想是厭性中分仁 邪通子静只是賢知之過 底言性則道理整整實實心方有憑據雖旺 義禮智信許多條項但無奈性實心虚心只空荡荡 如此 不相干但只空空的無 秋陽暴濯暴此甚麼畢竟朱子有把捉孔子家法是 格村語録 一點物事在內終日江漢濯

明儒無及宋儒者即姚江亦不如象山遠甚象山是要 計り 姚江所編朱子晚年定論一書羅整華細查年分與辨 或言朱子與陳同甫書其理易明似無容深辨曰是第 仁義忠信乾乾净净只是學析不是姚江便有權詐 知此之為權教無不疑為權教矣誰肯從之 權教一言虛誑他皆無用天下後世如整養者豈心 姚江詞屈乃日當時在 留都學者爭開不得已以此 皮義利關頭速須痛與截斷鍾旺

大いりにたい 張凈峰極不服姚江年廿五時親至其家與辨論净 習氣直是奸雄故作用錯處多問可方張亦崖否日 載此條不知到得親親親君存養已在內如何說該 不止自當突遇合曹操首文若為一無其似之 只說得明明德省祭一邊不可以該存養一邊姚江 親吾之親欲明吾忠之德在親吾之君淨峰曰如此 日如何言明明德在親民姚江日欲明吾孝之德在 笑而不答凈峰遂大喜以為難倒姚江其文集中首 格村語綠 峰

**多月四月今春** 姚江才氣好事起倉卒驅市人而戰若使當風塵時正 節為生安次節為學利三節為困勉佛家有上中下 大學云大學之道在明明德在親民未嘗言明明德 不得特為姚江所不屑辨耳當日只應就文義折之 明吾德之孝有何不可即此便可窮之姚江又分首 之道在親民也且即其言而反之言欲親吾之親在 **未可测問使他為相何如曰使不得用其偏見私説** 三根姚江處處提闡可笑

次記四年全書 **同**人 中可也降賊即慮其反覆殲厥渠魁足矣盡數剿戮 降兵之法渠謂有老板成法任他多少編入吾軍伍 文或者他見解即是如此亦未可定只是殺遲仲容 會永嘉議禮希望起用曰這都是懸斷誅心未免深 **廢夷古人成法害不可勝言友云最可惡者末年附** 不堪此卻不可為據 可謂忍心害理至桂萼輩深嫉其學彈章诋毀極其 降賊三百人于宴席卻是為何當問施靖海以處置 格村語録

淝水之戰雖屬僥倖然人氣不動便有勝理陽明撫贛 理前論若無中間一段事者以為非人情某曰恐即 信此老厮誑因枚數其平居奸私事門人竊窺陽明 講論其夫人忽開出掀其几案抛其書帙曰諸君勿 此已足以擒寧王矣北海為失笑北海又時舉正德 顏色 和霽如不聞者久之夫人入陽明徐整書案復 命下季明徳聞之知其必立功業人問之曰某觸之 不動孫北海承澤極恶陽明學術嘗舉陽明與學徒

欠日日日へら 所恶于姚江者為其以四書六經皆是閒賬直指人心 憑賢豪豈能免此 **董評其學術不正只論學術可已此等誘經恐不足** 注字字膠執牽經合傳甚至并傳意亦失之姚江因 實録中人参陽明與寧王交通及閨門穢事某曰吾 **厭薄此等故反其道以治之不思此等固陋處但就** 後鬼怪百出姚江作俑也讀書人不思經義株守傳 立地成佛耳其流毒無窮王龍溪已不像樣萬歷以 格村語録

金人口月日 孔子之教自與天壤相敝除是不以君為君不以父為 說佛氏不隨世法是無君父母反拜是無父此乃出 吾儒但當自反把我們這邊做得好 止無君墨止無父而佛氏無之此事前人聞之己 其說以破之足矣何至大決藩籬而不顧耶 來欲壞孔子之敎者而卒之忠孝根心如何環得楊 父孔子之教便無用處欲壞孔子之赦先破君父之 道釋

孟子敍道統曰見知聞知道豈不貴行而云知者正派 楊墨被孟子指著病痛深切處曰無父無君是禽獸也 孔子教弟子只以仁為宗又復發揮孝道都是從根 要緊如領路人領差了行更有害當下不覺到歸宿 說正與佛家對針佛氏無根故先從父母妻子上斷 故其書遂無傳范蔚宗西域傳賛宋景文李蔚傳賛 處便大壞 路差去

决定四年公馬 四人

格村語録

佛以心法觀天地老謂開口氣便洩皆吾儒所當資取 佛氏善言心老氏善言氣都説得精吾儒言性他那兩 金グログ イゴー 莊老滅教佛滅道禪滅性其所見一耳議論則以漸而 者 深入自記 件便都包在裏面 憑有據並不與他耑辨道理所以中其膏肓 皆是搜佛之根其人其書多是 中國人假托增飾有

大江日后人 問桃源中了無文物不幾于禽獸之食息乎曰彼中有 云訊了一截脱了一截 盗不止不知世既生盗聖人雖死又馬能止老子所 滴又須以此維持之如人受参武之補便是元氣有 若爭便是純氣將散矣文物固是氣之發露然氣既 純氣自有人倫淳朴恩愛與禽獸別若有文物純氣 虧然元氣已損又須以此補之老子曰聖人不死大 便有發散之意問有人豈能不爭無主馬能和輯曰 旅村語録

金に人口がという 老子生十有三死十有三出生入死十有三有字不是 其字不然亦將謂三分之外又有二分乎 視身而又得半亦太不便矣三分天下有二幸而有 中有三分實三分三去零數耳十有二者十分中有 欲露體耳非齊服也半此身之長短衣也朱子謂長 又字解者都指出十三種以實之如周禮息偽十有 二亦枚舉以實之支離牽强不可通十有三者十分 二分亦二分半去零數耳心有寢衣長一身有半不

久己の事から 老子惟貴大患若身難解只是生于憂患之意易所謂 精彩來 傲以至于死也卻是愛其身不是要害其身然又不 是以平常之養身奉身者為愛又要不有其身所謂 患來便贵之岩爱其身者以為有此便可不放逸怠 貞疾恒不死也龍辱若驚者以龍來辱我故若驚大 出来他們窥見些子便以為秘妙又做奇文字楦出 外其身而身存也聖人看得道理熟平平常常說 榕村語録

金いとして 道德經雖亦有意理某卻不甘為之發明初意欲與參 為善無近名為惡無近刑緣督以為經為惡兩字太險 甩谷子之流 取之必姑與之總流為機權陰謀口角若來同契便 同幹離婚為三奇書合刻令看來非二書匹也如道 無此惡態陰符經撮道徳五十言為三段不是沒見 可道非常道名可名非常名聲口總不正又如將欲 解人握機經亦是傳古陣法者非泛作大約是戰國

至尊常諭朕看麥同幹恐俱是説人身上的話未必是 大正可呼公司 豈教人惡亦可為但莫近刑乎當與澤州陳先生論 説別項地奏曰臣向來正是如此説如陰符 説絕 利 即有近名湮没者不少為惡何必即有近刑漏網者 督以為經澤州大喜數日後又得一解云為善何必 亦多不因名而為善不畏刑而不為惡只是緣督以 此以為為善得無近名乎為惡得無近刑乎只是緣 為經耳澤州又大喜以為更好 棺村語録

金分四月台書 諭云正是如此又奏臣有一親戚好道家說臣當問之云 鐵亦好物可以定子午道家總不貴重只說丹砂鉛 **汞豈以其為鱸鼎之用烹煉大藥可以服食耶他應** 倍是說工夫不斷刻刻相續便如用師萬倍復蒙 源頭上專一用工便如用師十倍三反畫夜用師萬 鐵惟砂裏有金鉛裏有銀都非從外預得可以煉出 日然臣日以愚觀之殊不爾盖銅鐵煉到底只是銅 源用師十倍絕利是將諸般利然都斷絕了只在 巻二十

其因参同邦陪得易經道理参同邦只說一身其實 諭云如此方是 他本意因說絕利一源絕了好不然便向 中可以煉得出來只是要不斷火如所謂必有事馬 **時甲午四月十六日** 好絕利一源 吾儒之持敬也三反晝夜吾儒之集義也 勿正勿忘勿助長也又蒙 寶米以喻人血內之躯有至實存馬天之明命在其 別瓦礫中尋寶如何能得但須三反晝夜不断工夫方

沙七四年在高 一

格村語録

支

白いりゃうという 乾坤合撰天地同符但看世間凡氣所貫皆天也地在 身即天地凡陰告魄也凡陽告魂也陰以陽為本陽 **碩塊何能生物如人之形體不專命于心之神明則** 以陰為基天之神氣包乎地外然離地便散漫無歸 天中初非截然天為一物地為一物也説易者見以 寄托之地故魂守魄即魄拘魂初無二候 五官百骸皆不得所然心神若不宅此形體何以為 部要貫注地中以成歲功地若不資天之神氣便成

大巴口戶戶馬 題故為游魂形不得神何所作為故為滯魄惟刻刻 乾為君坤為臣即以君臣論君要留心臣民所謂天 明出先天圖位故知其傳授必有端緒 交泰水火既濟之理從來說易者卻不曾說到又發 相守合而為一形即神神即形則丹還矣此即天地 乾坤則神魂其乾也體魄其坤也神不得形何所附 道下濟也亢則有悔矣臣要一心王室所謂承天時 行也否則有谷矣其理亦是如此來同契以人身言 棺村語録

金分四月今 參同幹取象龍虎是竊用周易龍馬而變其號龍取 麥同幹向日分章段頗不錯今又見得明白此且警發 威猛不過是魄也但馬比虎更覺穩妙馬本是乾而 坤為北馬如牡馬行到那裏北馬亦行到那裏本是 子裏是魂也虎伏于山林人不能見然一嘯風生卻 于吾身心者甚切大約先黑方白方黄而終于紅是 變化飛騰卻潜藏于淵以譬人心驚八極一收便在腔 物但有牝牡之分更精 卷二十

沙巴马巨公事 一 燒化了所謂童顏是也這便是紅紅則丹成矣吾儒 而魄不昧便是黄後來一團純陽真火陰邪之氣都 生也亦然而道家工夫反之所謂順則為人逆則成 工夫亦然以中庸言之戒懼黑也慎獨白也致中 塞了直使形如稿木心如死灰父之黑中生出明來 仙也他的黑是收視反聽不說話將耳目口三寶閉 謂之丹日之出也先紅而白而黄而黑人與草木之 便是白所謂虚室生白到得魂守魄魄拘魂魂不游 棺村語録 ナセ

金人也是 人工 黄也至天地位萬物育紅也佛家工夫亦同其云發 這箇猶粗只要此心光明照徹乾坤亦是為一己不 理上起見道家卻只為一己只要神氣常存佛家看 大願力即吾儒之立志其云悟即吾儒之致知其云 甚麼發願力便不同吾儒是大公的從天地萬物道 别卻反說了工夫卻同只是源頭不同發願力同為 特佛老就是市井人亦必先發願要做財主方講求 脩即吾儒之力行明儒說三敖源頭本同但工夫各 卷二十

こううし ことう 作四項極當亨與貞都是同的元與利卻不同佛 陽萬物變化人身形神都要知其故亦不是奉常 便大便宜所以五性最重仁義問道家如此用工果 他並不是糊糊塗塗做神仙他儘干思萬想天地陰 能使此身常存否曰亦不知如何想必神氣义長些 大耳俱有守之而不變處只是問他宜不宜耳吾儒 老與百工技藝俱有做到亨通之時只是問他大不 取利之法然後經營力作所以元亨利貞四字夫子 路村海緑

問魄拘魂魂守魄如何用工想亦不過定心心不放 **义神氣足不須飲食年歲長遠一無所知不過如土** 與尋常思想不同者是心如頑石只像勞山上人賴 如一想魂即如見自己的魂一想魄即如見自己的魄 則魂魄俱安矣曰魂守魄即魄拘魂無兩層心定自 心氣曰他所思想者即是他的事不是游思妄想 是主宰亦要明魂魄之理問他亦千思萬想 豈不耗 石超鶴耳有何足取問他只說黑白黄赤是水金土

**創定四庫全書** 

卷二十二

参同幹道理就是吾儒亦用得著一半其要在慎言語 節飲食懲忿室怨而已慎言語與懲忽為一邊事懼 整行陣嚴紀律衛民保境是所用也其說得疑思 疑 將仁放在頭上他將仁放在尾上 耗氣也節飲食與室慾為一邊事懼損精也至那 火何為不說青曰想是怕人戀住生氣他結末卻說 丹成後須要在人世立功功行圓淌方能升天吾儒 半成仙事 卻用不著如孫吴兵法亦有一半用得著 榕村語録

次包日年 在雪

金りでんと言 祭同不取銅鐵之類而取丹砂鉛汞者 取其中有至寶 披砂見金之砂中有黄金鉛汞中皆有白金四者不 修煉便可成聖賢豈非至實問還丹何義曰丹原非 至寶人不去修鍊不過是一皮囊與草木朽腐一 加淘洗烹煉不過是丹砂鉛汞一加淘洗烹鍊便有 以喻人軀殼中有至實耳丹朱砂也中有白金砂即 神處便為吾儒所不道 件物事不過是赤色謂之還丹者初丹後不丹復 經

麥同幹言甚簡易其言天地陰陽即吾身之陰陽也其八 由白而黄死而黑凡草木之芽先紅後青白後苦落 言黃老清靜而天下治如吾身之虛靜水火調伏而 之還丹 活起來人黑時他亮起來一直復還嬰兒之赤故謂 他只守黑所謂玄之义玄衆妙之門到得人死時他 歸于丹故曰還人初生本紅故曰赤子後長大漸白 後枯黑日初出紅後白晩黄夜黑仙家當人紅白時

火三日月 公与

榕村語琴

金分四月白書 壽命長也其下手工夫不過魂守魄魄拘魂魂者靈 六十四卦配合年月日時七十二候二十四氣雖逐 其唇顏則為滯魄當魂放逸時須把心捉來不許妄 與吾儒合否曰彼不過仍漢儒之言耳漢儒言易以 為紛雜是為魄拘魂魂為魄所拘則魂常精明不散 而魄亦不頹然昏惰是為魂守魄問參同幹之説易 日之陰晴皆為豫定又不是推得一年便可印板數金 動作但任其浮馳則為游魂魄者寂嘿堅定但任

次巴马西公馬 氣有相應處否曰亦相應到那節氣換時比常時工 守中活子午者吾身之子午也但像怠時是子也便 宜吐氣運行不使冥味覺得有放逸荡散意思是午 相應日有死子午有活子午死子午者天之子午也 應之祭同之言易仍是如此問修煉工夫何以與此 定明年又有活法又参之以人事如人事變易象亦 也便宜收視反聽寂然不動問與七十二候二十 四 自子至午為陽宜飲食動作自午至子為陰宜閉戶 榕村語録 主

五万中月 八里 麥同幹首尾武中問文與吾儒工夫一樣 初時立志要 外此處道理大不相同 起而吾儒看得一草一木遂生得所無一不與我性 夫又加謹若後來道家爐丹及守庚申諸説旨設慢 勇猛直前及末後直達天德罕頭更進又要武中間 分相關佛道兩家連自己父子兄弟夫婦亦視為膜 即佛家亦是如此大約三教工夫都是從收放心做 不經參同無是也妙在與吾儒說工夫處都是一樣

钦定四庫全書 ! 致命遂志致吾之禍福壽夫于命而心求遂吾志也如 道家從漢便分兩路魏伯陽修心性張道陵講符法佛 致其身亦是利害生死悉置度外非以殞身為致也 法以架之及其苗裔欲為表章遂說元説怪張皇附 會無所不有卻失了他本來面目 因他枯槁清寂巖居穴處恐招異物之害故學此術 教無此兩種大約釋道二教其初亦是隱居修道人 勿忘勿助卻要文 格村語蘇

說十周萬遍可見窮理致知他都有只是窮他修性 致知苦思势心豈不有礙于修命之說曰觀察同幹 謂之性身之元精元氣不死者謂之命修性修命是 修命之理致他修性修命之知耳如此馬得有礙于 命者務一切不管心死而後氣足惝修性則必窮理 两樣工夫兩者俱進是性命雙修命字屬人矣問修 書中無是也此想起于道家道家以心之靈明元神 古人說命字都是指天命今以屬人如身字一般經 **欽定四車全書 某深信得人有長存之理萬物之生人為貴草亦有數** 賢自有長存不敢者神明耳 家所娘彼言修煉亦重神氣不貴此也由此觀之聖 修命乎 身輕體健如鳥獸然躡峻跳澗如鎮平地然此乃道 湖廣武當山皆有數百年不死之人不飲食不水大 千年不死者禽獸亦有千年者豈人之壽止于百年 乎蓋人之不死者在神明而不在形骸聞山左勞山 格村路鎮

陰符經著語太險不如參同平易渾穆其書只虛說在 李文節閉戸多年做 國亦可分那一段是說道那一段是說兵那一段是 這裏隨人用用他修道亦可用他行兵亦可用他治 說治國便呆了只是以陰為主便露殺機乃黄老之 何也友曰他只在那裏鍊自己的若讀前人書而鍊 枯非聖賢之道也 之便佳先生曰是可知道家修煉無用 部百鍊草許多軟調不見精采

陰符者以陰為符得陰則可以招呼 羣有指揮如意即 傅弈開佛語亦語當但卻為信老子至戒子孫猶以道 機天地反覆都是說殺之為用大令人都解作殺機 陽亦為用矣殺機正其所取猶吾儒言克 己之意故 不好大失作者之旨 老子故韓子原道新唐書李蔚傳替皆從老子說 教當從與聖人之書當讀益舉不知佛氏即脱胎于 日天發殺機移星易宿地發殺機龍蛇起陸人發 殺 格村語録

決定写与一个写

開佛幾篇名文該景在一處范蔚宗西域傳替傅弈表 四十二章経是佛家原文儘有名理如磨髮驢身錐行 釋氏論佛氏無所逃匿矣 韓子原道佛骨表與孟簡書宗景文李尉傳對朱子 是中國人替他推點李蔚傳賛最說得透朱子釋 道心道不行無禮來犯者如對風揚塵持梗擊空皆 氏論文筆雖不古精當第 赵佛猜于老禅又精于佛其實禪學何當是西域來就

佛子從西來不立文字直指人心清淨虛無一切皆空 其視世儒馳逐于功名富貴緣飾于名跡語言直與八 聚生一道看所以高明之士被其煽誘湛溺而不返! 是妙論次之佛遺敎經他旨中國人傳會為之 已私這一邊又要有推以及人那一邊纔好聖人之 只覺得他的是不知吾儒原是如此但既有了滌去

**東主四車全書** 

格村語録

程張朱此理纔說明把向來推與佛教那一邊的道

道本末無該物我一體平平正正萬古不磨直到周

譬喻最難佛家説心性之體如明鏡 心道心本在一區愛私也我必自愛其親乃知人皆 必自省于貨財乃知人各資于貨財推其省于貨財 理都收回來所以其功大 物見形然鏡内空空的一 無根馬能有物 **愛共親推其愛親之心以及人則公矣貸財利也我** 之心而不相奪則義矣佛家弊病在斷截此心事皆 無所有冷氷氷全無生意 般物來必現隨

息心不是人心當息道心不當息喜怒哀樂未發之時 亦息心也朱子云有滅息之息而後有生息之息甚 得凡陽一邊都煖陰一邊都冷佛家以鏡喻心性 所 實無所不全而其中一點生理則仁也心屬火仁屬 妙寒冬閉藏來春發生之氣全在此時蓄養就是禪 惟程子心如穀種一喻極妙盖穀種內根荄枝葉花 以斷絕身果齊向空滅好説思神厭煩人事 **木是滚热發生的與金之寒、冷不類所以鏡取譬不** 

大巴马巨 在時

棺村語録

正分口月 台票 問佛教説不去行不去如人盡從他一世人類便絕曰 儒者心安理得静亦定動亦定各止其所佛家忍心害 理强行割截把捉豈獨空為頑空即明亦是頑明 是如此他做工夫亦不如此 絕其心朱子說告子宜然無覺悍然不顧究其歸自 儒所云不可枯滅者天命之性也佛家不是一緊滅 記無記竟枯滅矣但他所不欲枯減者心之神明吾 家亦破枯禪云不可有惡心不可有善心亦不可無

次ピの見をち 釋氏之發大願力是吾儒之立志也要常惶惺是吾儒 和尚說來說去總是為自己吾儒講的事都是世上用 之主敬也遍參思扣是吾儒之致知也戒律精嚴是 教人是自己行了教人行如説婚娶是好道理他就 他原説不要人盡不好娶就是這樣亦説不去聖人 此道理教法 該從人若說是不好道理如何又教人行天地間無 得著的即此便分公私 棺村語録 Ŧ

重写中人一 普度人天方是無根之愛其愛也真而大孔孟卻說 于習染即愛父母亦是私心不過貪其乳哺勒養之 斷爱根揀極難處一刀兩斷他以為人之愛都是生 愛之可見都是有緣之愛不若從無我中發大慈悲 惠而已假如自幼無知時養于他姓受其鞠育亦便 大戒如人從父母而生故篤愛之他便不認父母是 吾儒之力行也但他之立志致知力行都是他的事 與吾儒絕不相似凡吾儒之所宜有事者他都以為

火ビリーを動 佛家輪廻之説即循環始終之理亦無足怪只是說得 釋氏說三寶亦說得好如我們古來有堯舜禹湯文武 分明 便是皈依僧 誦法便是皈依法有問程張朱幾箇儒先視為榜樣 周孔以為宗仰便是皈依佛聖人留下幾部經 孜 孜 同處本易見不知前輩何以都說不透見得只是不 世上豈有無根之人即從根上愛起吾儒與釋氏不 格村語録 干八

金月四月台書 當問僧銳峰日輪廻之說無乃誕幻僧日此有何可不 更事人臨事便諳練弊飯多精神便强旺受之干內的 必遠求佛法觀天地只以心法觀之生死如晝夜 晝 即是發之于外的只説得不呆便不妨 記得書多便會做文章窮得理明便論理不錯平素 呆了便不可信春夏之發生都是冬間閉藏之氣人 耶又問人有惡變為禽獸禽獸有善又變為人信乎 夜相循環心之起滅無時其起者即其滅者宣有二

空有大願力可乎曰也好菩薩不是一樣有初地菩 先乎日發大願力為先問假如識見不到修行不到 在我何必閏王又問做工夫以知識為先乎修行為 惡念不獨念頭是禽獸耳目口體無一非禽獸造化 頭是人耳目口體無一非人他人看亦如此若起一 説殊有理如我們起一善念便覺光明正大不獨念 香為人幾番為禽獸矣輪廻之說以是思之覺得此 曰有此理便有此事但看人一日之問念慮起伏幾

**東記り車合島** 

格村語母

金ガロたる 薩分别曰羅漢見人不善發嗔怒心菩薩見人不善 發悲愍心問所存心曰亦不存 于善亦不存于惡又 夫不能接續須得此願發時從前種種譬如昨日死 覺得今日難從半路做起一為力小圖大恐後來 工 多不能处是如何曰此有二病一為從前不曾用功 力識見總是真識見修行總是真修行問願力發來 薩便是他願力既堅雖功夫未到亦不妨既有此願 從後種種譬如今日生前後都要截斷問羅漢與苦

次定四年全書 佛家以佛為轉輸王蓋以心轉宇宙實有此理孟子云 佛家説心亦好只是上不能通諸性下不能通諸事須 精至粹語 時做得主否其人便不敢自許凡此皆彼教中之至 有人自許心能做得主了僧曰醒時做得主夢時做 知心如此乃是實理如此又要把此事處得當方好 得主否其人曰也做得主僧曰有夢時做得主無夢 不是昏然不醒此便似吾儒未發之中又嘗舉公案 格州語録

合うでた とき 林次崖存疑鬬陽明数段卻不中其要害他的病根在 若無善此等氣象從何處來問佛家說無善無惡善 何充得 端坐時消腔無非善意通身都是善氣豈得云無善 知識氣象何如曰一看莊肅細看水冷固無惡狀了 無善客即與其無善無惡相應也 無善無惡心之體但觀有道君子干事物未交寂然 塞乎天地之間人意思到那裏氣即到那裏不然如

聖人說經綸大經是一段肫肫其仁所發實是從化育 或言佛教能使人外形骸見危致命然磨人多溺于佛 顛仙冷讓殺亦殺他不死缶武穆被秦檜! 中出來的聖人所言所行都是為此吾輩聞有人呼 風喚雨卻不生景仰心間得忠臣孝子可師可法便 卻沉没聲利不見其清魚節 義者多于後世及朱子 心悦誠服即此便見得天地之心亦是如此左慈問 之學與殉節者皆視死如歸宋明以還可以觀矣 一段便克

次已写真在与

松村語録

<u>Ŧ</u>

金月口尼 須知幽明人思一也看得極平常方是道理高一 施舍駢雜這些人先了如魂魄不散自然還是如此 鬼即公軍如何不信令有一異状之僧便領城往觀 用就是畫一道符誦幾句咒拘得思來亦只是未散 然今卻不羡慕左慈周賴仙冷謙而景仰武穆左慈 **呆魂問符咒何以能拘鬼曰朱子説得好公既信** 亦不能除陳友諒終須洪武動兵可知此種毫無所 果是手段大何不除了曹操别推箇賢臣輔漢顏仙 人門門 卷二十

漢時六經皆有緯書光武因劉秀為天子一言便尊為 燒除之聖人極數知來不過推之以理如寒往暑來 将與致祥将亡致孽確然實理實事遇灾異則恐懼 說道理因拈中庸二字最妙 姓張姓李名甲名乙皆知之不直一噱聖人之訓曰 聖經桓譚言其不足信輒罪其非聖直至隋文帝始 乃感應之必然者癡人以為聖人于後世某一箇人 的人說世無鬼低一邊的人說是事皆思為政聖人

次色四年 公司

格村語錄

角グロ万 陰陽雜術其閱歷多矣何當有驗即有驗者亦是說得 鐵一般 何等切實大約人之精神魄力甚大雖偏僻 之學過出一段光怪亦能驚動人子雲作太玄口中 字會寫字學文章會做文章如人專飯會飽不喚會 矣 作無益算計勢必為思物所思有當凶而反致祥者 修省不此之務而耑以禳報為事至終日在吉凶上 多了偶然撞著耳惟聖人之教一以人事為主你學

友言明太祖曾遣人向天竺求經又各王分封告以一 思神思以邀福而除禍未有不為僧道所思者自非 敢至天下一統無外患可虞欲保社稷長子孫便懼 佛大抵人不能無所畏當其分争時匹大匹婦皆吾 僧傅之姚廣孝則燕王傅也先生曰洪武亦不是信 吐出白鳳劉更生喜言神怪藜火老人感之而至若 矣 聖賢平正學問卻無是也盖其氣已與日星河嶽合

大正り下へ

榕村語録

Ŧ

金为中月白雪 朱方旦初至京傾動一時精氏衛先生在朝班極試之 鄧文潔說他不要學聖賢亦不要學天地不知要學甚 適更子修熙坐色殊不懌猗氏亞青之子修曰我 非 他怎樣超妙王鳳州季明徳革後來做出文字都通 麽其刻苦至終 日跪庭中石上清血斑瀾到底不見 得透知到我即天天即我坦然做去有何畏懼 聖人斷不能免夾雜念頭惟聖人胸中瞭亮道理看 不去所謂自設而淫而邪而適必至于窮而後已也

適夢至一公解有大官命吏檢簿須史吏白曰史鶴 從得予椅氏詢其詳子修曰吾妻病已三年委林侍 **憋聞朱至往叩之朱曰俟吾察其命盡與否君姑還** 孟浪信從其教者彼實能起死人而生之雖欲不信 伸而覺曰汗透矣索衣易之勸其少問妻曰我愈矣 齡妻壽限未盡但災厄甚重忽聞屏後有人曰既壽 知是夜妻竟安卧又間室中有異香至鷄鳴時妻欠 余即至共問先生能遽來耶朱曰不須余來病者自

次定四年全萬 一

·村科科

金がられていた といって 讀書而不知其何義顧誤天之明命非此之謂耶猗 觀之得其中說領言二種書中别字無數想來天上 無不識字的神仙遂堅辭不往後方旦被罪行刑于 聖開月見天注想既久自然與天地賢聖同歸公筆 起立拱諾曰受朱先生教因命余歸遂蹶然而起猗 限未盡令其夫婦皈依道敎以禳解其災可平大官 氏遂亦大服常邀某同往修謁某先索方旦所著書 **氏聞言陳然遂與子修俱詣朱朱曰余閉目見諸賢** 

次定四東全書 一 此問當史家求禱時何以能然曰妖術本不足論但 事都是悠悠忽忽老死而已用志不分乃疑于神有 矣至所云注想亦有可取我華平生何常注想一件 尚慰其弟子曰母怖明日千時當有敢至其怪誕至 湖廣市曹監斬者即其弟子王新命也將斬前一日 能畫夜不忘念念不舍者吾未之見也 甘為所驅役速至奉假王侯騎淫過度則思神棄之 以吾道推之何妨如是當其清修苦行或者思神亦 格村語録

有行取官許三禮者放言高論開口便說人其要錯了 得師或至錯了路頭顏子親見孔子孔子何不指以 程朱也三禮曰然某曰程朱去孔子千五百年不能 之曰所謂大聖者必孔子也若大賢則顏子大儒則 高深君當一見之及見頃三禮言其宗青云云其問 路頭一大聖一大賢一大儒環極魏先生者冲虚君 子也聞其言為所陳動乃謂某曰余不能測其學問 聖路頭任其錯走豈顏子天姿僅可以賢抑孔子

**いたの事全書 

「** 人之語不近情理都是言好令見得佛老果不足辨雖 說玄說妙我們治天下著他一點 便害事 日今而知舍周公孔子之道無足以治天下者二氏 理外更無道理曹武惠兵已過江南唐始焚卻佛經 為稱嘆久之某入朝班猶聞三禮向人稱說云云可 不曽細讀其書但既不是我們的道理便不是此道 見其糊塗一世 秘而不宣 耶三禮無以應翌 日為環極述之環極深 裕村語録

走

